



Broj: 13-04/2-04-40137-26/21
Sarajevo, 21.03.2022. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

- SKUPŠTINA KANTONA SARAJEVO
Služba za skupštinske poslove
- OVDJE -

- VLADA KANTONA SARAJEVO
Stručna služba Vlade
- OVDJE -

Predmet: Odgovor na zastupničko pitanje, dostavlja se

Zastupnik Igor Stojanović je, na nastavku 44. Radne sjednice Skupštine Kantona Sarajevo, održanom dana 17.11.2021. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, postavio zastupničko pitanje kako slijedi: "Da li planirate izmijeniti Uredbu o postupku prijema u radni odnos u javnom sektoru na teritoriju KS? "

Nakon što smo razmotrili navedenu inicijativu, dajemo sljedeći odgovor:

Ministarstvo za rad, socijalnu politiku, raseljena lica i izbjeglice Kantona Sarajevo predložilo je Vladi Kantona Sarajevo, a Vlada Kantona Sarajevo je, na osnovu člana 20a. stav (4) Zakona o radu ("Službene novine Federacije BiH", br. 26/16 i 89/18), dana 24.02.2022. godine donijela Uredbu o izmjenama i dopunama Uredbe o postupku prijema u radni odnos u javnom sektoru na teritoriji Kantona Sarajevo (u daljem tekstu: Uredba).

Navedena uredba je objavljena u ("Službenim novinama Kantona Sarajevo", broj: 10/22) dana 10.03.2022. godine, a stupila na snagu 11.03.2022. godine.

Članom 1. navedene uredbe, a koja se tiče izmjena i dopune člana 5. Uredbe o postupku prijema u radni odnos u javnom sektoru na teritoriji Kantona Sarajevo propisano je da se prijem u radni odnos vrši bez provedenog postupka obaveznog javnog oglašavanja, kada je u pitanju institut "otkaza sa ponudom izmijenjenog ugovora o radu" u skladu sa Zakonom o radu ("Službene novine (" Službene novine Federacije Bosne i Hercegovine", br. 26/16 i 89/18) i pravilnikom o radu poslodavca, osim izmjene u pogledu trajanja ugovora o radu. Predviđeno je i da obaveze javnog



oglašavanja nema u slučaju kada je donesena pravosnažna sudska odluka ili zaključena vansudska nagodba o povratku radnika na ranije radno mjesto.

Na ovaj način omogućeno je "vertikalno" pomjeranje radnika sa pozicije na poziciju, a što osnovnim tekstom Uredbe o postupku prijema u radni odnos u javnom sektoru na teritoriji Kantona Sarajevo nije bilo omogućeno. Jedan od argumenata za navedenu izmjenu je upravo preraspodjela radnika unutar organa, a u cilju racionalne organizacije rada.

Također na ovaj način Uredba je usklađena sa Uredbom o postupku prijema u radni odnos u javnom sektoru u Federaciji Bosne i Hercegovine ("Službene novine Federacije BiH", br. 13/19 i 9/21.)

S poštovanjem,

Pripremila: Aldina Šantić Zeba, viši stručnjak

Kontrolisali: Zoran Timarac, šef Odjeljenja, ministrica

Nuri

istrica



Dostaviti:

1. Naslovu x2
2. a/a



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

2/2